

醫門靈寶

焦
易堂題

中醫學術肇自岐黃歷代著述不乏其人然意見各殊療法且
異致劉李朱張輩自神其說後之學者從而尚之主張而奴李
互相攻擊良可慨也清季西醫東來以吾中醫為不科學而漠
視政府亦因之而不提倡是故紛歧晦昧中醫前途何堪設想
民國三十二年秋余兼長國醫學院適十班學生雷勁夫持其
師余敬亭先生所著之中醫醫學補不足篇乞余為序余觀
其肝鬱治症一案以五行生尅依經治療發古人之奧不為牽
強附會之說所蒙蔽獨抒己見用藥則從道遙散化出頗得配

合之妙處症之論尤探領入神無慙老手陰枯一案更能發揮
陰陽氣化之真諦若鄭欽安輩則俯首矣叔實不文兼以黨政
羈身不暇逐案詳標聊舉數端以見先生獨具隻眼不為邪說
所囿也是為序

國民參政會參政員

中國國民黨四川省黨部執行委員

兼負專責監察處長

中央國醫館四川分館長

兼理四川國醫學院院長

曹叔實謹序

補不足篇乃吾邑國醫余公之門人各撰語錄集成者常以命
 名之義私請於公公曰醫學經典汗牛充棟推原至理包羅萬
 象吾儕每遇異症輒詫為未見實乃讀書不多學識簡陋之故
 茲篇所集間有奇病非以自詡乃補學問之不足因以為名耳
 竊嘆公之虛懷若此

公名子淵字敬亭簡陽縣賈家鄉人世代業儒至公先德錫五

壺

公以名廩生精研岐黃懸壺本鄉名震鄰邑公生而穎悟機智

過人以名諸生隨克舉公肄業蓉城尊經書院補廩後以科舉
停止改治醫學沉潛典籍搜羅實驗集醫道之大成光復後任
川軍第三師軍醫兼任瀘縣城防部軍法以戰爭與醫道背馳
遂辭返里專事活人三十年中治愈者殆不知若干人誠有補
於斯世也

悉以甥誼近因國難得時返故鄉親侍診案見公之治病也審
症精確用藥純活雖大江南北名手亦無以過之公之審症也
自不外望聞問切然指下精明凡疑難怪症一經診視無不洞

見隱微儼如燃犀列鼎纖毫畢露如篇中之乾癆症治源流辨
風溫濕溫寒溫源流辨督癰辨二陽合併症治諸篇是其顯著
者公之用藥也力主純活補而不滯固而不塞疎而不散泄而
不利虛弱者必先固其本偏勝者必早使其平醫現病必預治
未病療本經必預防他經務使病者服其藥於不知不覺中逐
漸減輕以至於愈愈後亦不發生其他不適正如天地化生萬
物萬物不自知其所以生而各得其榮如篇中之蟲症治論
月癆症治靈根痿小症治方解濁氣上攻記諸篇是其顯著者

讀者能於本篇細心研究不難發見公之精純亦可藉知臨症
主方之要旨則斯篇之集亦不為無補也
公今老矣哲嗣靖波君固早已代勞應診且多跨竈之譽無如
公之經驗豐富學識精純非短時所可企及故諸及門各出語
錄撰其不常見者集成斯篇請正於公而欲付梓以憑知公最
深囑為弁言乃不揣謏陋就所知拉雜記述俾讀者得知公
之生平或亦不無補也謹序

中華民國三十二年十二月上弦日子婿毛竹憑 敬識

補不足篇序

篇以補不足名益佩君心虛也况洞參玄牝而又致力於醫期
裨當世厥志宏矣豈曰小補之哉衢耳君名久措未班荆莫聆
高論今獲覩名篇嘆未曾有至發人未發直可謂醫門靈寶允
宜付棗梨以啟後進其造福詎有涯耶丙戌春傅君心如知衢
係槐軒姪曾孫且畧事靈素囑校魯魚并為之序庶使君之精
粹不致為傳鈔所誤云爾

雙江劉安衢敬題

卷十五

外科

第一篇

醫品論

第二篇

乾癆症治源流辯

第三篇

風溫濕溫寒溫源流辯

第四篇

痢病症治辯

第五篇

靈根痿小症治方解

第六篇

月癆症治

第七篇

督癆辯

第八篇 角弓反張症治辯

第九篇 蟲症治論

第十篇 濁氣上攻記或云辨

第十一篇 胎枯病記輯

第十二篇 五更洞瀉症治或云輯

第十三篇 休息痢症治或云輯

第十四篇 二陽合併症治

第十五篇 格陽症治

第十六篇 陽虛症治

第十七篇 陰枯溫病症治

第十八篇 肝鬱症治

第十九篇 眉目扯動症治

第二十篇 辨認時症方法

第二十一篇 關帝乩傳腰痛方註解

第二十二篇 小青龍湯別用詳記

卷二十一
小書詩歌風雅

卷二十二
關帝壯烈藏文

門人
陳紹蘭
雷勁夫
葉孔修校字男
靖波參校

卷十八
...

卷十七
...

醫品論一

凡業岐黃者依學識之高下可分為上中下三品上品治現病
兼治未病中品治現病能純一而不雜下品治現病則藥品雜
進攻破失宜至於六淫不分表裏莫辨張冠李戴誤傷人命者
是又等而下之為不列品也夫人身有病一經望聞問切即知
六淫之源出自何經何臟照症反尅而用藥品依症輕重而定
分兩認症既確用藥復專如攻賊然直搗巢穴當然應手而愈
但病况復襍診治不無變通之時如體質非強陰枯欲絕息感

時行濕熱照症施藥自無疑議但濕熱應用滲利苦寒藥品書云利則傷陰此人陰已將絕再加滲利則陰更傷而濕化之熱又增其煎熬是乃促之就木書曰治病不留人即此之謂也能者見此從中取巧既治病而復留人大用陰藥以固陰分根底少用利藥以阻濕熱增加服一二劑後陰份之根底補足不至絕脫乃進以滲濕藥品大去濕熱待濕熱將盡未盡之際必用穩陰而不增陰兼能去濕藥品庶濕盡而陰不損再大進回陰藥品則濕熱愈根本固此權宜變通因人施治治現病兼能治

未病上品之士也次者能以望聞問切盡其病狀知其病源分別輕重反其脉而用藥直達病所別經臟腑毫不損傷藥到自愈並無掛碍此為純一不雜之醫中品之士也治現病而藥品雜進攻破失宜醫理不明醫業未閱從師既不高上經驗更不充足即魯猛用藥間亦有效而原氣不旺者因此不治否則元氣受傷後患從此多矣此下品之士也外此者平時既少讀書賦性亦欠明敏投師復不高上醫理更少通達所閱方書不但講解不明字句亦辨認不清稍得劣師口傳自詡獨得妙旨遂

挾以謀生一臨病症望聞問不知病從何生切其脉只知跳動
不識病出何臟慌慌惚惚陰陽不分寒熱不辨六淫之藥並投
夫人之受外邪不外六淫如濕熱病六淫藥內自有去濕藥品
服後或亦見鬆但外雜五淫之藥則無病之經絡臟腑必受池
魚之殃將來病出百端均所不計只徒草草成單收取脉禮直
等草菅人命如非飯碗逼迫則係勾生惡鬼可哀可憫可嘆可
恨之至此即不列品也嗟嗟醫乃仁術諺云半積陰功半養身
今若此是以三寸之紙單數十之文字專事殺人敗名喪德宜